



Concello  
da Estrada



# PROTOCOLO BÁSICO DE ACTIVIDADE/COMPETICIÓN DO COMPLEXO DEPORTIVO COTO FERREIRO (3 PISTAS)

## 1.- OBXECTO.

O Departamento de Deportes do Concello da Estrada crea este protocolo co obxectivo de facilitar a organización da instalación Pavillón Polideportivo Manuel Coto Ferreiro nas suas 3 pistas durante o periodo competitivo, no que se disputen encontros de carácter oficial ou amigable. Será de obrigado cumprimento por parte dos deportistas que vaian a utilizar dita instalación. Será complementado polo PROTOCOLO DE INSTALACIÓNS DEPORTIVAS DO CONCELLO DA ESTRADA e por aquelas normas ou ordes que se diten e publiquen por parte das autoridades sanitarias e deportivas durante o transcurso da evolución desta situación. **Actualizarase continuamente de acordo coas informacións e criterios das autoridades competentes.**

## 2.- CRITERIOS DE UTILIZACIÓN.

Poderán utilizar á instalación os deportistas federados dos clubs usuarios. De todos os xeitos, o cumprimento deste protocolo corresponderá aos deportistas dos clubs cando se atopen adestrando baixo a súa exclusiva responsabilidade.

## 3.- REQUISITOS OBRIGATORIOS PARA ACCESO Á INSTALACIÓN.

- **Control de temperatura con termómetro no momento do acceso á instalación, tanto para xogadores e corpo técnico, ASÍ COMO PARA O PÚBLICO NO CASO DE QUE ESTE PERMITIDO. O Concello da Estrada autorizará a presenza de público, analizando a particularidade de cada un dos partidos ou eventos a celebrar.**
- Presentación na porta de entrada do DNI de todos os espectadores e así poder verificar aqueles que vivan no mesmo domicilio, se poidan sentar xuntos, na zona da grada habilitada para eses espectadores.
- Uso obrigatorio da máscara dentro da instalación, ca excepción dos xogadores que participen no encontro e o equipo arbitral.

## 3.- CIRCULACIÓN E UBICACIÓN DENTRO DA INSTALACIÓN.

- Estará prohibido acceder a zonas delimitadas a aquelas persoas que non se atopen debidamente autorizadas.
- Os aseos estarán operativos en todo momento e co aforo limitado dunha persoa.
- Nas zonas de grada deben de estar marcadas as butacas que se poden ocupar, deixando inutilizada unha fila de xeito alterno. Na fila que se poida ocupar polo público a separación debe de ser de 1,5 m entre espectadores en todas ás direccións.

- Adaptando a instalación as normativas vixentes, o aforamento das distintas pistas do complexo deportivo serán:
  - Pavillón Coto Ferreiro (pista 1): aforamento de **105 espectadores**, distribuídos da seguinte forma: fondo; 20 espectadores, fondo marcador; 14 espectadores, lateral banquiños; 30 espectadores e lateral multiusos; 41 espectadores.
  - Pavillón Multiusos (pista 2): aforamento de **60 espectadores**, distribuídos todos eles na grada principal.
  - Pavillón Multiusos (pista 3): **non haberá aforamento** por non haber grada, quedando prohibido acoller público.
- Os espectadores sempre deberán de estar sentados e unicamente se poderán colocar nas butacas habilitadas, ca debida separación interpersoal de 1,5 metros en todas as direccións.
- Habilitarase unha zona de grada para que se poidan sentar xuntos convivintes.
- Non se poderán habilitar sillas para un aumento do aforo, debido a falta de espazo para colocalas, que impediría gardar a distancia de seguridade.
- Respetar á sinalización nas zonas de tránsito no momento de desprazarse e de acceder ou abandonar a instalación.

#### 4.- ACCESO ZONA VESTIARIOS.

- Para a disputa dos partidos, estará acotada a zona dos banquiños e dos vestiarios, non podendo acceder ningunha persoa que non se atope debidamente autorizada.
- Existe a posibilidade de utilizar os vestiarios nos partidos ou eventos deportivos oficiais. Para os adestramentos estará prohibido o seu uso, tendo que situarse os participantes no mesmo nunha zona delimitada para tal efecto (grada ou zona banquiños).
- Os pasillos dos vestiarios ante a imposibilidade de ter dúas portas, unicamente se poderá acceder a dependencias desas zonas (cadro eléctrico, almacéns, ...) por motivos necesarios.
- Para a disputa de partidos, os bancos dos vestiarios estarán marcados con distancia interpersoal, o que nos obriga a facer dúas quendas para que se cambien os xogadores: primeiramente cambiaranse os xogadores titulares e previa limpeza e desinfección cambiaranse o resto dos xogadores convocados. É obrigatorio evitar ó máximo posible o cruzamento de persoas e ata que saian os primeiros non poderán entrar os seguintes. No caso de que todos os xogadores convocados para xogar o encontro teñan cabida nos vestiarios dispoñibles, poderase valorar que os utilicen e cambiarse o meso tempo.
- Na celebración de partidos, cando se utilicen os vestiarios, farase a súa limpeza e desinfección antes do partido, antes da segunda quenda para cambiarse os xogadores, no descanso e o rematar o encontro.
- No descanso dos partidos non se poderán utilizar os vestiarios.
- Os xogadores suplentes e o corpo técnico dos equipos, deberán de situarse no banquiño ou no lugar habilitado para eles na grada detrás dos banquiños e mantendo separación interpersoal.
- Unha vez finalizado o encontro, o tempo de permanencia de cada deportista no vestiario será de 10 minutos, empezando ca primeira quenda e accedendo un deportista cada vez que outro xa finalizara.

#### 5.- OUTRAS DISPOSICIÓNS.

- O servizo da cafetería non estará operativo por motivos sanitarios.
- Para a celebración de partidos ou eventos deportivos oficiais, nunca se permitirá que se xogue máis de un o mesmo tempo. Ata que o complexo deportivo quede desaloxado, non se poderá realizar outra actividade.